

Claudii Fleurii Abbatis Historia Ecclesiastica

Ab anno Christi 1589. usque ad annum 1595 - Una Cum Criticis R.P.
Honorati A S. Maria Carmel. Discalc. Observationibus In Historiam
Ecclesiasticam Abbatis Fleurii

Fleury, Claude

August. Vind. [u.a.], 1772

VD18 90118669

§. 16. Cornelii Bonaventuræ Bertrandi inetritus.

[urn:nbn:de:hbz:466:1-67252](#)

primævo naturæ beneficio ingentem ad Sæcul. XVI.
Mathematicas disciplinas inclinationem
in se experiebatur, quæ cum ætate
semper crevit, hinc mappas geographi-
cas elaborare aggrediebatur, non sine
gravi labore, eoquod ejusmodi tabulæ
hucusque a nemine adinventæ fuissent.
Demum etiam postremis vitæ suæ an-
nis Theologiæ operam navans, quæ-
dam opuscula tanquam hujus studii
fructum collegerat, inter quæ præci-
pue numerari meretur Evangelistarum
Harmonia, necnon tractatus de crea-
tione, & constructione mundi: porro
utrumque hunc librum scripsit idiomate
latino, ex quibus tamen postremus tra-
ctatus proscribebatur, eoquod ibidem
octodecim propositiones circa peccatum
originale cum Ecclesiæ fide pugnantes
fuissent deprehensæ. Ceterum Mercator
Duisburgi hoc anno, ætatis vero suæ o-
ctogesimo secundo die vigesima octava No-
vembris vitam cum morte commutavit

A.C. 1594

§. XVI.

*Cornelii Bonaventuræ Bertrandi in-
teritus.*

Hoc item anno ex Protestantibus obiit *Tha. l. 109.*
Cornelius Bonaventura Bertrandus *Colom. Gail.*
Thouartii nobilissimo Tremolliorum op- *Orient. p. 73.*
pido in Pictonibus honesta Thoratiorum *Bailliet. l. c.*
familia natus, qui Parisiis primas ope-
ras

Gg 4

ras

Sæcul. XVI. ras studiis dicavit, sub Hadriano Turnebo, & Joanne Stracelio Magistris, ac
A. C. 94 dein sub Angelo Caninio Orientalium
 linguarum peritissimo Hebraicæ ad-
 descendæ se impendit: porro inde To-
 losam, & Divonam Cadurcorum pro-
 fectus juris civilis scientiæ incubuit:
 postquam vero illo tempore in Calvinis-
 tas inquirere cœptum, Cornelius mo-
 lestiam sibi inferri veritus Genevam se-
 cessit, ubi biennio post linguæ hebraicæ
 Professor renuntiatus fuit, cuius mune-
 ris occasione usus sacræ linguæ thesau-
 rum, quem Pagninus composuit, copiola
 adnotationum accessione auctam rursus
 edidit: postea autem quandam Hebraicæ
 linguæ cum Arabica comparatio-
 nem elucubravit præter succinctam, &
 methodicam dissertationem de Repub-
 lica Hebræorum, quod postremum opus
 ceteris omnibus ejusdem lucubrationi-
 bus majoris habetur. Demum Corne-
 lius relicta Geneva Franchentalam in
 Palatinatu secessit, ubi anno Domini
 millesimo quingentesimo octogesimo
 sexto librum suum edidit, cui titulus:
Lucubrationes Franchentalenses: postquam
 vero a Bernatum republica pro tradenda
 lingua Hebraica Laufanam evocatus
 fuerat, ibidem anno ætatis suæ sex-
 gesimo tertio interiit.

Cete-

Ceterum inter sectæ suæ Viros præ-
cipue ex eo commendatur, quod præ
ceteris primus totum sacrum Codicem
ex hebraico textu in Gallicum idioma
transferre ausus fuerit; quippe Calvi-
nus, & Olivetanus hujus linguae ignari
duntaxat ad veteres Interpretes, qui
bus cæca servitute nimium insistebant,
recurrere cogebantur: Bertrandus vero
utpote Grammaticus majori utebatur
libertate, (*) ac ipse met in suarum
lucubrationum præfatione de hoc suo
opere præclare differit: quinimo Cal-
vinistæ hisce Bibliis hodie dum utun-
tur, quamvis in pluribus locis prorsus
insulfas Rabbinorum interpretationes
veterum Interpretum explicationi
præferre ausus fuisset: de cetero innu-
meros emendabat textus, qui in Oli-
vetani, & Calvini versionibus minus
exacte ad literam redditæ reperieban-
tur: vicissim vero quosdam textus, qui
in primis editionibus optime translati
fuerant, ipse fœde depravavit, præ-
cipue

Sæcul.XVI.
A.C.1594.

(*) Auctor libri, cui titulus: das gelehrte
compendiöse Lexicon: verbo Bertram: hæc ad-
dit: er revisierte auch die französische version
der Genser-Bibel, wiewohl mit gar zu grosser
Frevheit; hæc autem effrenis libertas proger-
minat variarum sectarum monstra.

Sæcul. XVI. cipue insistens Munsteri, & Tremelii ver.
A. C. 1594. sionibus. (*) Fatendum tamen, quod
 in Grammatica crisi, & conjecturis ad-
 modum felix fuerit, nimis tamen petu-
 lanter suo erga Religionem Catholicam
 odio a teneris indito indulserit.

§. XVII.

*Sigismundi Poloniæ Regis conatus
 pro Religione Catholica in Sue-
 ciæ Regno restauranda.*

*Spond. hoc
 ann. n. 28.
 Puffendorff
 introd. a
 l'hist. des
 Princ. t. 2.*

Postquam Sigismundus Poloniæ Rex
 mortuo Joanne Patre suo Sueciæ
 Regnum hæreditario jure acquisierat,
 atque

(*) Nunc jam glorientur Protestantes,
 quod eorum Parentes Lutherus & Calvinus
 ipsis reddiderint Bibliorum usum, quem Ca-
 tholicis a Papa eruptum suisse mentiuntur:
 unde ergo se purum Verbum Dei habere jaci-
 tare poslunt, dum tantum aliquam Bibliorum
 partem a suis Parentibus receperint, illis li-
 bris, quos hi suæ sectæ adversos credebat,
 rescissis, necnon textibus pro uniuscujus-
 que arbitrio explicatis, & deprivatis: hiuc
 illos ex nova eorum reformatione haud aliud
 commodum recepisse videtur, nisi quod nunc
 integro, & puro Dei Verbo scripto destituti
 etiam sine Sacerdote, & Sacrificio, prout
 olim Deus populo Hebraico minitatus est, re-
 periantur.